



吳臯先生文集卷之三

雜著

天文地理總圖讚

混混圓靈茫茫方輿分野燦然辨土截如脫非帝德誰
其御與於皇

熙朝誕握真符洪覆于衆世此中區統軼漢宋化衍唐
虞黃星耀德白環薦休叶繇信祖印登數罔殊越开訖
急奠稅則俱蠻琛番寶陸走水趨窮天率俾聲壤懽呼

九鼎既該三珥是孚銅渾標法王會陳圖

雲陽庠邵生携其祖康節先生安樂窩圖予得覽

而讀之辭曰

六府委形二氣結屋不震以靜匪雕而郁里學上下皇
極往復天人之宮風月之窟巴則洛河瞿焉伊闕千古
一圖靈蹟不滅

薛文清先生真贊

河津縣學弟子員薛生維慶維
寬擇其祖文清公遺像來屬贊

於予予嘻然而感之迺贊曰

乾坤匿端道在渾淪乾坤列形道在聖賢叶聖人胚胚
元氣之津賢人勛勛元氣之瀕義圖邈焉唐虞系之禹
疇往焉殷周繼之不有鄒魯孰崇吾孰不有濂洛孰窺
吾牖叶考亭載揚魯齋載登已而大迷趨而多歧鴟鴞
之嗜正味罔思獮狙之交正色罔知比我明興得聖之
統篤生微人往哲是鍾厥稟既靈厥養既重衆焉尚凡
而潛于穆衆焉尚撓而持於獨遠權忤勢其氣維烈退
虜平蠻其才維傑刺奸執法其衷桓桓洗冤嬰禍其狀

安安治行在國七要論政理學服世一源言性曰慈曰良
孝心涓涓曰敬曰恭德器淵淵俗學易泥時子之格異
學易附時子之斥鳴者維華而道則真躁者維夸而
道則循萬理以鑒一靜以馴振綺南省與制罔乖宣猷
東閣與時罔諧匪究厥施匪愴厥懷世論已定終譽爾
匪朝議已協從祀爾待我生維晚慕公之醇我後維
通觀公之神望爾我我俾人如連就爾温温俾人如
覺散焉光風韜焉良璞可師與與可親媿媿可光後

裔可啓後學聖者之從賢者之殼于萬斯年元氣未
剝

董處士真贊

少微委象太容淪精詣藏逸軌飛遁修楨園渠田獲嶽
思江情邇而混同厥衷維明瞻而流動厥履維貞匪薄
於積孰誇其盈匪嗇於施孰失其衡睢睢盱盱善匿爾
形濛濛淳淳善用爾靈拘器遠焉鴻士作朋險夫厭焉
駿德喜稱溟魚長伏詹何罔就穹鷄遐鷺蒲且奚凌班

嗣之饗間立之初尹文之蓄蓄爾熊之能爾神則潛爾裔
則興百祀一時名蹟爾增

虛銘

耳維虛是故能萬聲焉目維虛是故能萬形焉心維虛
是故能耳目之聰明焉噫嘻虛哉道之輿哉何以生虛
歆之祛哉

箴

勿驟動以悔勿蹈嫌以傷勿鬪忿以敗勿橫語以殃

洗咎以崇饗端已以視來執約以久裕積忍以弭災

御爾戒無狎範爾獲無邪子若孫洞視爾差疏若戚紛
議爾瑕

無荒落文學取下無忘却道義取俗無凌毀同鄉取怨
無交涉公府取辱

說疑

賈好息多疑人以不廉婦好淫多疑人以不貞盜好偷
多疑人以不義虜好殺多疑人以不慈狂者之疑不納

詐者之疑不信暗者之疑不明暴者之疑不遜噫不廉
不貞不義不慈不訥不信不明不遜惡聲也非所致而
遭之者晦數也朱子謂不求人知而求天知不求同俗
而求同理言我也韓子謂賁育之不戒董子之不抗魯
雞之不期蜀雞之不支言守也善守以盡其在我者君
子也玉見性于三日之焰樟辨名于七年之植噫嗒嗒
心哉不終蔽于人哉於疑乎何疑於數乎何疑

順之說

胡生六化舊有字未協改曰順之何取周訓也夫驛突
靡羈吉疆利乘鵠鷁已凶鳧後兆變倒裳不可索領操
規不可載局搏牛之畜有極步焉彈鵠之凡有勁節焉
在家順于禮則義孝明而家化集在國順于法則事功
成而國化流遵之有常求之無我無細大一源也無窮
泰一機也胡生其聽哉

慎銘

寶玉禍鉅也若其慎勿垂涎胥史弊谷也若其慎勿引

耳私囑疑案也若其慎勿勉從邪媚峻敵也若其慎勿
陰適

舟銘

于澄波厥維爾庶于崩濤厥維爾嚴于駕而寧厥維
爾恬于載而歛厥維爾謙于能遠而能深厥維爾漸于
能濟而能涉厥惟爾鈇維鑒之哉

廉銘

盧坦為河南尉時杜黃裳為尹然以受餉見疵也召坦

立堂下曰某家子與惡人游破產盡察之坦曰凡居官
廉雖大臣無厚蓄其能積財者必剝下以致之如子孫
善守是天富不道之家如不善守必恣其不道以歸於
人黃裳驚其言自是遇加厚臺史氏感而銘曰有燦者
物有俛者欲投之而迷才也罔東維後之艱維身之戮
垢業迺盈冥數迺肅嗟彼媿人朗焉如浴識與天諧動
與義屬利奚以乘害奚以局斷帶齊瑩作獺比毒藏絲
並暉受魚擬辱玉壺澄姿冰輪逸躅子孫爾昌福祿爾

足聞則憚心見則駭目我欲行之烟誠是囑

行臺銘

無踐垢地以落節無畧死刑以來殃無邀敏迹以重悔
無作醜狀以襲狂無輕舉事以促議無好隨已以撓剛
無摘細務以從苛無出苟言以取傷無懸先物以任情
無逞暴氣以干祥無借兇類以遂惡無茹柔德以摧良
無薦惡材以蒙辱無蔽賢軌以毀常無犯衆怒以戾和
無失士心以孤望無執私啣以亂公無迷專聽以病防

無獵浮名以招嫌無挾姦謀以取亡法獸將將驚鳥揚
揚耳目斯張網紀斯敷萬夫于襄百僚于匡既讖既將
其競其違毛髮爾晷呼吸爾卒匪怠匪荒宜君宜王維
風維颺維耀維光凡我司臺尚其監哉

少鶴章

金吾鮑將軍先翁號鶴山將軍企德慕賢不減先翁義
槩搢紳公緣迹取心緣心取銘而以少鶴號將軍少山
號將軍少弟志孝也喻子嘗與將軍同事中路而知其

為稱情迺如懇詞作少鶴章贈焉夫鶴壽物也移孝以
言忠者人臣之常也壽身以壽國者孝子之光也視文
徵德將有望於將軍云

嗟我同役矣卯為年諸侯來朝

天子懸懸戒彼不率遣臣于駢維月二陽雪候乃愆黃
沙載塗白草不鮮畿郡用憂海邑是賄憚爾維翼遲爾
維然爾也我諧僉曰爾賢

彼紛夸競爾維粹溫纘乃考服厥維弗諉爾考則文爾

行則敦祗從 王事匪躬以蹇近爾室家不入其門爾
勤爾慎我時求言

翩翩者鶴集於燕山府君悅之爾德是班鸞鳳其群雲
漢于飄養於金火壽考匪艱光爾先人伯仲喧喧

於皇牙軍爾與訓之於赫羽衛爾與振之靡舞鱗鱗迺
持以慎靡號狐狸迺修以信信斯慎斯爾考之燼

醜彼甕筭潔乃攸司誠茲敬器謙以居之爾孝爾忠誰
為爾私願言私憤維熊與羆平彼黠胡壽此 昌期叔

牙知我勿忝厥辭

吳臯先生文集

序

忠節錄序

疊軒許公忠節錄成厥子金吾南岡以喻子姻好屬序焉先是喻子夜夢公峻冠大袍若欲言而金吾君代言之起而感公之靈炯炯如在可以知至人之不死云序曰夫人非道罔生夫道非一罔成天以一故星辰不孛地以一故河嶽不淪君以一故紀綱不紊臣以一故忠

節不回上古志焉其次守焉其次靡靡焉其次撓撓焉
不有克獲不見烈夫不有偷忍不見正士是故忠節人
臣之變也甚非得已之故也而義則不容已者也漢禽
賊夷類而甘殞唐猴擊叛孽而蒙戮厓山之墜鷗委體
於宋主天寶之舞象怒目於胡酋是故忠節萬物之一
性天之元氣也而顧有否焉者何與登平衢則易為步
涉峻塗則難為力從容之用世不乏才忠貞之槩時未
屢獲故也夫飾輪以為輿曰是以資遠飾角以為弧曰

是以資威飾戶以為室曰是以資禦飾綬以為臣曰是
以資報人臣而靡以忠義報國焉則反物之劣矣故漢
書曰乘理雖死而非亡違義雖生而匪存是忠義之不
可已也必一之乃有獲公生而竒佞長而秀朗嗜古而
義而軒揆文而漢而魏恥不振不啻墮危賤不義不啻
負穢試縣破寇如宿將焉典兵護衆如長城焉宸濠之
亂群且萎矣不可降者公與孫公之外無人也乃大數
之窮也炳於軒萌而策不售大青之來也沮於異議而

功不集抗言以犯逆狀斷心以恥倖生綬誰欲受龔勝
可以絕食鬚誰欲汗温序可以伏劔罵而被執鼓睢陽
之烈刑而如生標平原之異公其孤也已公其難也已
含憤而殂君子悲之非夫正氣宿抱不為禍縛大義獨
朗不為名疚者而何以倉然迫然俾文山之遺帖外乎
厥友固陵之懸聞內乎厥親若是之神合也邪公其一
於忠節之道也已 是故非善常者不可與語變非善始
者不可與語終非善治者不可與語亂非善生者不可
與語死必如公故全也 否則能山東而故不能江西焉
豈公之才有所及有所不及也邪 蓋志行與未行則蹟
異事專與未專則勢殊之致焉耳矣 是故督軍疏之諫
臣揚之今

皇帝恤之而爵而謚而祠蔭之大卿若庶僚紀之士若
民歌之邇若遠錄以傳之 蓋其虎欲蟻慕之公將以示
風也况公有賢裔焯焯如金吾君昆弟父子者此尤
九廟之餘庇 九陛之盛典所謂功存社稷澤加子孫

者也公其求以人而不維以錄也已

黃高陌赴郡博序

喻子曰天下之色五匪其人弗章天下之音五匪其人弗正天下之味五匪其人弗調天下之教五匪其人弗惇是故其泉漉漉者以塞而胥其山榛榛者以薙而童其水沃沃者以露而朽其石磴磴者以蕩而泐化軌綿渺古義頽唐世風未敦士習不兢其蠱而壞焉有四其賊而傷焉有六竒衰以蠱貞詭激以蠱慈藻絢以蠱撲

剽輕以蠱厚四蠱出而教道壞矣漏畧以賊深刻峻以賊宏氛雜以賊簡姍矣以賊訥誼囂以賊靜傲岸以賊恭六賊萌而教道傷矣高陌君貞慈樸厚深宏簡訥而靜恭人也且冥搜邃理與摭經學上究象緯之秘博綜律呂之元其動若愚焉其思沉沉焉其言若鈍焉其志浩浩焉童而習之者齒堅如也乃有六羨郡博之命是可以觀道矣是可以觀教矣故夫革荔弭痛文莖已聾領鷄止咪當康兆年蕡桴蒿簞以教雅周篋漢匏以教

質示本也故曰寒谷豐黍吹律暖之昏情爽曙箴規顯
之有高陌而為六蓼之膠序也必有提掖英彥于全埃
之外者矣機同者潛孚神解者迥立并是以為六蓼士
願之如何

壽高母太孺人序

潁湖高侯刺光州之明年丁未夏六月為厥母太孺人
懸輓之辰以道里云邈迎而將之未獲也侯望焉載怡
載快載拜載祝淚淫淫下弗已蓋其丹款也先是侯錄

緘寧令晉秩我光無何而遵三朔祝聖既乃掩扉深居
憶厥母氏焉雖光之諸大夫若士若長老人以履端賀
者輒避而不內示不忍違母也已各登之頌編矣肆於
隆暑南望武林眺瑞石之流雲撫長淮之蒼葦悲六井
之渺綿臨五馬之燠赫念彼倚閭悽其張脊閣爾循陔
慘焉陟圯恨不能竦翮而臝西湖之涯御母氏以步輿
輕軒引觴抗舞如昔人之所以歌事遂情者故每有五
逢原思歸之鬱視名達如鞶鞶焉非為詭激也光大夫

若士若長老人率擁門留之且為歌為詩為賦為序懸
為厥毋太孺人壽蓋作誦慰心之義將以洩侯思而延
惠政也喻子委委病廬未能走侯之庭以如僉舉也乃
聞而言曰海惟汰也故周於納山惟隆也故厚于殖鳥
惟慈也故豐于止人惟孝也故良于政是故下急則政
壅澆異則政漓慘礪則政剝秕僻則政乖不有耆德其
何能國是故得十馬不如得一乘且得十劍不如得一
湛盧循良之裔父母榮焉韓子謂子在側父母雖無離
憂其志不樂也子在國父母雖有離憂其志樂也有以
哉是故孝如柳遐而化衍刺史也其親揚孝如毛義而
喜動郡守也其親章是故善養難祿養匪易養體急養
志匪緩侯以孝德歷官稱賢被薦踈于楚江迥騰交贊
之蹟移福星于祭地漸流慈渥之勳我光民浸浸焉感
矣惟堅立而浩往也則下恬上孚罔有不達由之官望
隆洽親志宣鬯穹祐壤禎離而不離太孺人之享有遐
齡也可勝筭哉此之謂壽厥親者大此之謂孝厥親者

大觀古之張母以晉國剖符而文定愈光趙母以郡君
增秩而康靖彌炫苟嗜修以考祥也孰不為有母者之
希尚也哉執是以為侯願可與系之詩曰曲河滴湟連
城蚴蟻銅虎玉麟高侯來守至自綏寧蓬徙塵走王事
孔棘不遑將母母也天只維康維壽寶婺煌煌瑤水瀏
瀏暈冠莪莪鶴髮琇琇侯之榮母如左如右民賴以暨
侯奚以憂神之聽之錫母難老

梅塘序

梅塘者盛封君先生號也先生居吳之桐城桐城之墟
有梅塘焉玄溝匯靈翠水分液炫九英於霜溜湛五出
於雪洲芳浸渾沉則蛟蚪所宮馥波浩盍則鷗鷗所栖
雲采風生則漁釣所賞煙暮雲寒則歌詠所歸盖皖江
之長雄潛嶽之支輔也先生選而宅之嗜修崇植出軒
入義緒學而隱修文弗耀煦幼孤之靡依恤姻族之不
瞻譽毀喜悲漫無蒂芥雖囊之宿鏹手群籍而課諸兒
灑如也乃抱和靖之逸興理薛卿之幽居謝迹塵市絕

口公家鷄皮鶴髮虬綏鳩杖春秋之閱凡八十年于茲
而未已也蓋凌風采英悅神魄之淑清乘月弄濤遺氣
埃之污濁還醇露甕之庭韜光天倪之宇鶩翔崑崙
遊渤澥麋鹿在山雲霞半野忘乎梅忘乎塘忘乎其為
我而一之者也人因以梅塘翁號云厥嗣侍御君英年
竒蘊按節馳聲昂軸崇基先生之訓誨居多迺以嗣貴
君子榮之海內大夫士多為文以贈時于侍御則同臺
也來手命而序之系以歌曰吳嶽杳兮蒼穹窿巢城高
兮青龍從鳩淳精兮梅塘翁愛落寔兮遊鴻濛煙澹澹
兮灝光平月明明兮踈影橫仙人來兮六墩鳴福庭敞
兮七淨生香根延兮靈源泓澤君土兮和帝羨古來逸
事兮伊誰能應翁之昌後兮千秋其爾承

朱光山入朝序

天子制以庚戌春當大計群吏之治是為朱尹治光之
又明年也是年冬尹將如京民若士若薦紳人感焉僉
為留謀若恐失怙恃云先是光俗好夸競稍開形罅訟

如故業動哨吏以利凡以曾川灌莽衆山橫環不驛而
衝視汝列邑為雄富因之弊如訛雜干請紛沲往往尹
乘以抵肩而赤籍堆縣赭衣填街仇毒蛇於悍吏憎碩
鼠於貪夫者悴如也體國恤人三載一節忻州党公之
外無取焉尹以邃學麗文英發淮海雅噐婉婉妙年詳
諦蓋鵬程之遺雋而鸞庭之竒格也銓鏡掄賢擇城邑
而授此尹乃堅鞫錄之操嚴鉤擊之約流披絮之譽馳
棄餅之芳軫民創殘如已病凋士寒餓如已飢里無橫

徵村有寧棲喁書寢而四謚穢胥蕩而一空寧不自達
無以媚上役寧不自克無以肥下供夜滅哭棘之魂晝
居垂簾之寂賢不肖率俾而謁者非公典弗入瀕行澹
然不以毛髮病民旁邑撼頓而光民獨不知有北裝勞
也君子于是多尹之德歌曰莫覲匪阮莫任匪盈譬彼
盍旦夜不息鳴烟慈練絲如瑒如瓊下奚以染衆嬉以
生稚耄攸墜郊墟則平尹去蕭蕭民嗟煢煢是可以繼
党公之執古所謂居民富去民思者非耶邑傳唐君等

率其徒劉子士謏胡子紹良等述所以為光民者屬言
於臺史氏臺史氏無往來於尹而嘗聞尹于邑之敏齋
主政君矣序曰周典六廉惟善為首漢傳六循惟德為
風是故迷貨者迨寇之梯亂情者隳官之囿馬不可守
閭筐不可持屋虎不可牧豚塗不可養渠巖高而嶮秀
者塵霄之阻也波淨而濤澄者沃日之泓也厥蘭芳郁
有根凌冰厥竹便娟有苞來風廉之時義大矣哉尹也
澡行以弭尤滌私以寄治內不沮恠于心外不渝醫于
官蓋將有李憲之績劉瞻之行焯焯以為通顯待者而
未可涯也雖然中牟之負侯晏嬰而後識寧州之寧得
郭翰而後揚尹之苦心當必獲提掖之遇出之乎軀殼
之外而未宜以泛泛資格論人者論尹矣余于司民風
者望乎及于司民牧者告乎如何

士翼序

士翼者太史後渠崔先生作也何名乎士翼也先生自
名以翼士學者也平陽以先生往而刻之將以先生翼

士者翼晉之士也噫噫哉迺請序於喻子喻子慕先生而緝閱焉序曰瑤楫不可以川玉弦不可以矢冰杯不可以湯羽苞不可以火是故太古而然厥風胚胚人外無士道外無人世趨圯剝文教迺溢辯之博之真性遂翳以文翼士豈君子得已之故邪是故聖道若夷厥用也深聖誨若嘿厥漸也神故曰大象無形大方無隅先生之述蓋其中有愴然者矣詭者兢華匪反孰朴雜者趨駁匪還孰淳迂者習謬匪折孰衷淆者崇僻匪立孰

極是故揆道樞以驅之歸焉宣學奧以樹之矩焉闡夫微以該之遠焉標人則以徵之邇焉陳治忽以謹之幾焉列臧否以覈之迹焉明進退以懸之軌焉定取遣以挈之鑿焉說易禮詩春秋以釐之經焉而詞之潤溫粹精雅然獨得之趣不論也凡先生之為士翼也迺以自翼者翼之此先生之公也崑崙之靈麗雲不匿離渙之秀潰水自揚先生之文其耀炫以行也夫先生之言其冲灑以人也夫而關覽神理粵析臣節風格迥絕於一

身集文集一
卷三
世者自有國史紀焉無俟於時之言之也傳曰時有廢
興道有污隆於士翼可以觀其時乎經曰言之不文行
之不遠于士翼可以觀其遠乎于是知先生之可以不
死乎于是知先生之可以如見乎于是知宗鄒魯邵伊
洛之可以有人乎于是知繡鞞悅麩涓潦之可以無作
乎于是乎序

忠經引

十二連城子過舅氏畫崗翁出故篋馬融忠經一帙曰

漢文也苦非善本子有志焉蓋圖之迺得而環徧祇誦
携之西蜀因竊嘆曰父子者命不可解者也君臣者義
不可逃者也虞夏渺而至道離春秋作而亂人懾讀詩
賞錫類之音廢卷切履迹之憶忠其闔舒於孝乎矧心
非膏肓可絆名與岱崧同隆故如金如石王常之播朗
心而若鸞若鴻房氏之標高義淑範傳於劉備粹訓炤
於陽城忠之不可一日已也有是哉融也研本核源揭
一訓忠該天地君臣上下內外而言之總於臣道為詳

焉詞不煩而義炯論不詭而理精融其負與識哉此鄭
玄之所以疏之也夫漢史謂融俊才博學美辭貌典校
秘書為南郡守先是逡巡隴漢髡徙朔方禁錮之者累
年著述良繁仍以忠經遺世君子每多之云迺西第獻
頌終以奢樂黨附識不能匡欲蒙譏焉讀者何可遂廢
邪是故覩昌言則思用邁英辟則思答凡有丹石之蘊
尚其應時而發矣于是出廩餘以繡諸梓

孝經序

臺史時梓忠經蜀署已迺大叅葵峯黃侯手孝經厲言
焉臺史時餘惋傷於服竟觀典程於心竦不覺其悵然
之若失也疆而序曰夫孝經孔子筆乎朱熹嘗為疑矣
然而大道之管孔子意也融書奚麗焉蓋取其在古者
翼之爾故漢除挾書律經始行世疏者諸家序則唐人
集龕而發所謂鷄助之得爾維歷世中區士取耀於王
制之嚴科或委讀髻孺綜貫茂聞義育廢業辭沉華辯
遂不治於是焉寔漏畧之珍典也夫孝者畜也得祭統

焉孝者順也得謚法焉揚子雲曰赤子扶扶元貞有終
逸周書曰上下咸勸孰不兢仁言孝之無煩以言也而

經焉何六籍分而靈朴散一本澆而總攝微性流梟獍

之變心侈狼彘之毒是以孔子憂焉故述經夫嵩華肇

趾於崑閬必討崑閬而後天下之山有紀河江引源於星岷必溯

星岷而後天下之水有歸譚究竟堅固之行者約以定

根闡調停溫養之學者統以靜端孝經者其萬理之崑

閬星岷而百順之定根靜端者乎故曰置之而塞天地

溥之而橫四海蓋孝其倫綱之修綱性域之要關者也

是故士不焯孝經則害於身子不焯孝經則害於家臣

不焯孝經則害於國君不焯孝經則害於天下率由是

而廣焉聖賢無於微矣矧天子孝理之會華域喁喁

而可遂無傳邪故志春秋而行之焉道其該乎豈哉軻

嘗謂孔子成春秋而亂臣賊子懼時則謂孔子成孝經

而亂臣賊子懼

四川鄉試錄序

聖皇握符覃宣化軌浹夫企德罄壤希風者累三十一
年於茲矣 中興之烈非商高周宣能擬也肆蜀西極
遠嶮罔弗斌斌然媿古耀文猗與其隆哉壬子秋八月
如 制賓興士類巡按御史時以役得監臨焉乃稽式
走弊聘大經等於列藩會蜀坪甄至是悉簡百執事以
大經暨教諭吳瑞為考試學正曾洋教諭張嘉猷傳啓
仁楊繼宗林桂朱朴梁用達為分試而提調則左布政
使周采左叅政黃光昇監試則按察使楊沔副使胡鰲

率矢誠協恭期薦真賢以華 沕穆而裨隆平者也維
時總督軍務都御史張岳控帶列藩洪懿遠漸巡撫都
御史戴鰲保釐蒸細匡益章縫先清軍御史繆文龍合
舒憲墨今清軍御史宋治薰灼風聲恤刑郎中徐文通
樂觀彛典右布政使繆宗周右叅議孟淮鄭光溥考績
副使張九叙分憲副使林功懋王繼芳僉事吳崇文楊
皆姚梧徐惟賢孟養性安如山都指揮李胤周承芳雅
崇膠序宣勞綜畫而右叅政戴邦正僉事王朝相都指

揮田于公入賀

聖壽豫聞議規者也既準期鑰院合提學僉事陳塗選
擇之士而三試之凡三千有奇祇

憲飭 典甄文輯錄以上之

天子者得七十人拔雋又也大經當序諸首簡序曰合
浦之珠魏取以照車邛城之璧秦將以華國矧蜀士憤
芳擢芬魚鳧蠶叢之所委和也噓琳舒瓚金躔玉壘之
所滄精也黃符菁簪而返以醇宏

皇祖肇科之所繩檢也商敦周彝崇以雅麗

列聖重暉之所陶鑪也是故錄焉厥惟良哉夫瓊艘瑤
檝寡涉川之勲珍弧瑜弦茂激矢之能雕章鏤辭匪戡
亂之策儒步雅趨乖圖治之才唐人謂以文取士本文
行也由辭觀行則及辭焉乃觀文之偶屬尺度愕愕乎
視其庸必庶綜括浩盎融融乎視其庸必仁蕩滌霽翳
炯炯乎視其庸必明包帶洪鉅渾渾乎視其庸必公妙
析機宜博綜治程颯颯乎視其庸必當變而濟冥會天

紀弘闡世綱蹇蹇乎視其庸必許國而忠是故錄焉厥
維良哉夫懷琬琰而就煨塵者竒數之常也抱棟幹而
構明堂者賢士之光也竒蘊不易申顯 昌時不易遇
合感茲覲榮宣厥報思而索鴻緒於艾康探駿端於經
緯思以輝名 帝載堅履士心焉庶取者匪垂餌之食
取之者罔播糠之眯爾是故錄焉厥維良哉始螭終蚓
化荃變茅為爾諸又誠杞梓競敷蘭蕙爭翹為爾諸又
要于是乎用備書云

